

Radyo an Norvys

(<http://www.dasunys.net/podcast.htm>)

Titel: Nowodhow an seythun (13/02/08)

Auctour: Matthew Clarke

Dydh: 13 Hwevrer 2008

Pesyans: 1:59

Aberfal a wra gwitha hy thanlu a-der-dro dhe'n klokk rag lemmyn.

Konsel Kernow re gavas unn milvil peuns moy y'n bojet may hallo tylli rag an gonis.

Byttegyns... yth esa nowodhow tewl dhe'n dre y'n kethsem dydh.

Yma an lytherva veur ow tegea yn servadow.

Yth esa perghennek an soedhva owth assaya hy gwertha heb sewen.

Drefenn nag esa prenyas... y fydh an darajow prenyas.

**

Den ha benyn veu selwys dhe Benndinas an seythun ma wosa aga Renault Clio dhe goedha dhiworth an alsyow.

Askell-dro Kilros veu dannvenys... ha'n dhew dhen kemmerys dhe Glavji Trelisk.

**

Yth esa meur a grodhval an seythun yw passyes wosa ni dhe glywes bos eth flogh yndann hwetek bloedh ha gansa kummys gonn.

An Kreslu a lever I dhe wul keswel gans pubonan anedha kyns dyllo kummys.

++

Yma fordh nowydh dhe dyllo rag parkya yn Kernow Gledh.

Y'n le a usya boghes mona rag an jynn... lemmyn y hyllir tekstya.

Kost an gonis yw ugens diner an dro.

**

Rygbi...

Yth esa gwayn bras dhe'n Vorladron.

I a fethas Esher deg-poynt-ha-tri-ugens dhe dheg... gans deg assay a-dherag skoedhoryon yn Kammbronn.

Ha kenedhlek dew...

Rysrudh a fethas Waterloo orth an Rec... dew-boynt-warn-ugens dhe dheg.

...ha dehweles dhe Genedhlek Onan... An Para Oll-Du a besyas y'ga form fethek.

I a waynyas erbynn Pertemps Bees... peswar-poynt-warn-ugens dhe bymthek.